

Bosna i Hercegovina
Federacija Bosne i Hercegovine
TUZLANSKI KANTON
MINISTARSTVO UNUTRAŠNJIH POSLOVA
TUZLA

Na osnovu člana 58. Zakona o unutrašnjim poslovima Tuzlanskog kantona („Službene novine Tuzlanskog kantona“ broj 4/10, 5/11, 14/11, 2/12, 8/13, 10/14, 9/15 i 13/06) i člana 8. Uredbe o odboru za žalbe građana („Službene novine Tuzlanskog kantona“, broj: 10/11, 6/12 i 9/17), Ministarstvo unutrašnjih poslova Tuzlanskog kantona raspisuje

JAVNI KONKURS
za izbor i imenovanje predsjedavajućeg
Odbora za žalbe građana

Kandidat treba da ispunjava slijedeće uslove:

- da je državljanin BiH;
- da ima najmanje VII stepen školske sprema u oblasti pravnih nauka;
- da ima najmanje sedam godina radnog iskustva, nakon sticanja školske sprema;
- da nije član političke stranke;
- da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- da u posljednje četiri godine nije bio član izvršnog ili zakonodavnog tijela, na bilo kojem nivou vlasti u BiH;
- da nije proglašen krivim za krivično djelo;
- da se protiv njega ne vodi krivični postupak;
- da mu nije izrečena disciplinska sankcija za teže povrede službene dužnosti.

Predsjedavajući Odbora imenuju se na period od 27.5.2020. godine.

Odbor prima i razmatra sve žalbe izjavljene protiv policijskih službenika Ministarstva, u skladu sa Uredbom.

Odbor se osniva kao stalno radno tijelo u Ministarstvu. U vršenju zadataka uz svoje nadležnosti, Odbor je nezavisan i nije u lancu komandovanja Ministarstva.

Predsjedavajući za svoj rad ima pravo na naknadu.

Kandidat je dužan, uz prijavu, koja sadrži kraću biografiju, priložiti original ili ovjerene kopije:

- Uvjerenje o državljanstvu ili važeću ličnu kartu;
- Diplomu o završenom fakultetu;
- Uvjerenje o radnom iskustvu;
- Izjavu da nije član političke stranke;
- Izjavu da u posljednje četiri godine nije bio na bilo kojoj poziciji u političkoj stranci na bilo kojem nivou, niti je bio postavljen na bilo koju poziciju od strane političke stranke;
- Izjavu da u posljednje četiri godine nije bio član izvršnog ili zakonodavnog tijela na bilo kojem nivou vlasti u BiH;
- Uvjerenje o nekažnjavanju;
- Uvjerenje o nevođenju krivičnog postupka;
- Izjavu da mu nije izrečena disciplinska sankcija za teže povrede službene dužnosti.

Prijave sa potrebnom dokumentacijom o ispunjavanju uslova navedenih u Javnom konkursu, dostaviti na adresu:

Ministarstvo unutrašnjih poslova Tuzlanskog kantona, ul. Turalibegova bb, Tuzla.

Rok za podnošenje prijava je 8 dana od dana objavljivanja Javnog konkursa.

Nepotpune i neblagovremene prijave neće se uzimati u razmatranje.

MINISTARSTVO
UNUTRAŠNJIH POSLOVA TK